

Na osnovu člana 7. Odluke o kriterijima za dodjelu sredstava sa pozicije grantovi neprofitnim organizacijama – pomoć u radu javnih kuhinja iz budžeta Unsko-sanskog kantona za 2026. godinu, donesene na 49. sjednici Vlade Unsko-sanskog kantona održanoj 06.08.2026 godine, i člana 39. stav (1) Zakona o izvršavanju Budžeta USK ("Službeni glasnik Unsko-sanskog kantona", br. 1/26), ministar Ministarstva zdravstva, rada i socijalne politike objavljuje:

Javni poziv za dodjelu sredstava sa pozicije grantovi neprofitnim organizacijama – pomoć u radu javnih kuhinja iz budžeta Unsko-sanskog kantona za 2026. godinu

I Predmet javnog poziva:

Predmet javnog poziva je dodjela sredstava iz Budžeta Unsko-sanskog kantona za 2026. godinu za finansiranje/ sufinansiranje udruženja u vezi s radom javnih kuhinja, a čiji su korisnici građani Unsko-sanskog kantona.

II Pravo učešća

Pravo učešća po ovom Javnom pozivu ima udruženje koje je registrovano kod nadležnog kantonalnog ili federalnog organa, a koja obezbjeđuju obroke u javnim kuhinjama za građane Unsko-sanskog kantona.

III Kriteriji za učešće

Udruženja podnose prijavni obrazac za finansiranje/sufinansiranje rada javnih kuhinja iz Budžeta Unsko-sanskog kantona za 2026. godinu sa dokazima o ispunjavanju kriterija navedenih u Odluci o kriterijima za dodjelu sredstava sa pozicije grantovi neprofitnim organizacijama – pomoć u radu javnih kuhinja iz budžeta Unsko-sanskog kantona za 2026. godinu.

Kriteriji za raspodjelu sredstava su:

- a) da je udruženje registrovano kod nadležnog kantonalnog ili federalnog organa, a koja obezbjeđuju obroke u javnim kuhinjama za građane Unsko-sanskog kantona – 1 bod;
- b) da se radi o udruženju koje ima kapacitete da provede aktivnost pripremanja i podjele toplih obroka – 3 boda;
- c) ekonomska ili društvena opravdanost provođenja aktivnosti javne kuhinje – 2 boda;
- d) broj stalnih korisnika javne kuhinje – od 1 do 5 bodova.

Neprihvatljivim načinom utroška sredstava će se smatrati zbirna nabavka namirnica, sirovina, materijala ili usluga, odnosno zbirno pravdanje sredstava iz više izvora finansiranja.

IV Dokumentacija

Dokumentacija koju treba dostaviti prilikom prijavljivanja za finansiranje/sufinansiranje udruženja u vezi s radom javnih kuhinja je:

- a) popunjen prijavni obrazac za finansiranje/sufinansiranje rada javnih kuhinja iz Budžeta Unsko-sanskog kantona za 2026 godinu, koji sadrži: naziv aktivnosti, obrazloženje ekonomske ili društvene opravdanosti podjele obroka (opis problema/potreba, ciljeve i ciljne grupe), pregled kapaciteta za provođenje podjele obroka (oprema, prostor i osoblje), očekivani iznos sredstava iz Budžeta Unsko-sanskog kantona, te broj stalnih korisnika javne kuhinje;
- b) rješenje o registraciji;

- c) zapisnik sa posljednje održane skupštine udruženja;
- d) uvjerenje o poreskoj registraciji - identifikacioni broj;
- e) uvjerenje o izmirenim poreskim obavezama;
- f) uvjerenje o izmirenim porezima i doprinosima za zaposlenike (ukoliko ima zaposlenika);
- g) bilans stanja i bilans uspjeha ovjereni od strane Finansijsko-informatičke agencije za prethodnu godinu;
- h) popis stalnih korisnika javne kuhinje;
- j) naziv banke i podaci o transakcijskom računu.

Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.

Udruženja koja su registrovana u prethodnoj godini i nisu dobili sredstva za finansiranje/sufinansiranje programa i rada udruženja, nisu dužna da dostave izvještaj o urednom finansijskom poslovanju (bilans stanja i bilans uspjeha).

Dokumenti koji se podnose kao dokaz o ispunjavanju kriterija iz ovog poziva se trebaju predati u originalu i kopiji. Kompletna dokumentacija treba biti poredana po naprijed navedenom redoslijedu.

Zahtjevi primaoca finansijske podrške za realizaciju aktivnosti javnih kuhinja koji nisu dostavili izvještaj o utrošku sredstava za aktivnosti udruženja za koji su imali u prethodnom periodu odobrena budžetska sredstva, ne mogu biti prihvaćeni za finansiranje za narednu godinu.

Zahtjevi primaoca finansijske podrške za realizaciju aktivnosti javnih kuhinja za koje se utvrdi da su sredstva utrošili nenamjenski, mogu biti prihvaćeni za finansiranje za narednu godinu ukoliko dostave dokaz o povratu nenamjenski utrošenih sredstava.

Pravna lica kojima sredstva budu odobrena po ovom Javnom pozivu će sa Ministarstvom potpisati ugovor o međusobnim pravima i obavezama.

V Podnošenje prijava

Prijavni obrazac za finansiranje udruženja u vezi s aktivnostima javnih kuhinja iz Budžeta Unsko-sanskog kantona za 2026. godinu (Obrazac 1) se nalazi na web stranici Vlade Unsko-sanskog kantona, zajedno sa javnim pozivom ili se može preuzeti u prostorijama Ministarstva.

Prijave sa potrebnom dokumentacijom dostaviti u zatvorenoj koverti na protokol Vlade USK ili poštom na adresu: Ministarstvo zdravstva, rada i socijalne politike Unsko-sanskog kantona, Ulica Alije Đerzeleza br. 2, 77000 Bihać, sa naznakom „Prijava na Javni poziv za finansiranje/sufinansiranje rada javnih kuhinja iz Budžeta Unsko-sanskog kantona za 2026 godinu - ne otvaraj“.

Rok za podnošenje prijava po ovom Javnom pozivu je 8 dana od dana objavljivanja na web stranici Vlade Unsko-sanskog kantona i oglasnoj tabli Ministarstva zdravstva, rada i socijalne politike.

Visinu sredstava za raspodjelu po ovom Javnom pozivu utvrđuje resorno ministarstvo na osnovu odobrenog Budžeta USK za 2026. godinu, te zaprimljenih zahtjeva.

Nepotpune i neblagovremene prijave neće se uzimati u razmatranje.

